

弘 應無所住
夫惟
而生其心

九州路肥之前州高來郡原之城者、寬永十四白丁丑中冬、鬼理支丹之宗徒楯籠處古城也、于爰肥後國往人益田四郎若冠者密徘徊自他國、訛世人勸鬼利支丹法令入同宗甚純熟矣、彼宗旨原根源元來邪師外道法也、故不信正法、不貴仏神、不敬王法、只是欲奪他之國志無二無三也、以故東照神君在日禁此徒更不輕、雖然彼徒党直面在于外曲性存于内、諸人不知其邪心、果而結党企一揆、然其徒二万七千余隨四郎謀略而築当城忽欲覆國家、由是天下兵將衆下着急也、聞說列國諸將不移時日馳向当城、一時攻落討捕数万頸、作三分天草当郡長崎三処埋却之矣、至今此地骸骨推野山流血染海水、滿地草木亦變白色矣、其亡魂或化虫多或變妖怪附五穀依草木枝葉凋落、入民屋成瘧惱男女、數靈散乱無休時、郡職穗積氏鈴木三郎九郎重成公、有慈心帰仏乘專仁義重君恩信心堅固善士也、甚愍亡靈沈淪惡苦、深嘆村民男女怖畏、於彼古戰場莊嚴道場、請兩郡中羅漢僧看誦金剛般若經、修礼懺摩法勤修水陸勝會、善尽矣美尽矣、今莅散筵綱演自傘蓋無上神咒之次借手於野衲、刻彫碑石一基以伸供養、伏願依此善助諸靈頓渡過生死苦海、速安著清淨仏地、因冀郡民男女息災安穩五穀成熟如意吉利矣乃至平等利益者也謾打一偈結一句云、

凡聖含靈平等法、梵音滿耳海潮音、

金沙灘上一綯月、又弘清風掛古岑、

維時 慶安元白戊子黃梅吉辰